



- **Funziuns de ma:** lönesc ales 19:30 corona de ma te dljia, **dedolönesc** y **sabeda** funziun a Santa Maria do messa; **vignedé** ales 20:00 corona te capela da Longega, **dedemesaledema** ales 20:00 corona te capela da Miscí.
- **La Musiga:** canche i fajareis la detlaraziun dles cultes podeise ince ti dé le **5promile** ala Musiga d'La Pli. Al basta dé dant le codesc fiscal 81009910217 y meter Osta firma. lolan!



enformaziuns y termins

KMB: le Moviment Catolich dai Ei envieia ala prozesciun de net en sabeda ai 13 de ma. An va ales 21:00 da Porsenù (Acquarena) a Neustift, danló él ales 22:00 na santa messa; al pordicarà signor Markus Moling y al ciantarà le cor dai ei da Toblach. Dala Val Badia vál ia na coriera, da Longega ales 19:30; prenotaziuns pa Salvester Vittur, ☎ 333 7247516 cina en jöbia ai 11 de ma. Al ven perié da se tó do na ciandera o na linterna.

Patrones: les Patrones de Mareo envieia les eres ai 18 de ma da jí a Innervillgraten a ciaré la Villgraternaturwelt. I piun ia les 8:00 da plaza dal Cone demez. Enformaziuns y prenotaziuns pa Veronika, ☎ 339 7325948 anter i 7 de ma.

Sorvisc de voluntariat: öste fá na esperionza te na organisaziun Non-Profit? La Ciasa de Palsa Ojöp Frenademetz tol sö d'isté stüdens y stüdentas danter 16 y 19 agn por fá sorvisc de voluntariat, co döra danter 6 y 8 edemes y reverda chisc ciamps de laur: acompagnamont y baié con i berbesc y les medes, aiüt t'animaziun, aiüt tal trasport intern, laurs de aministrazion, aiüt pa laurs da verdaciasa, aiüt pa laurs de economia dla ciasa. Ala fin ciafa i voluntars 80,00 € netto por vign'edema de laur. Por enformaziuns, ☎ 0474 524786. Le formular por la domanda pón desciaré sot www.ciasadepalsa.it y pó gní dé jö cina ales 12:00 dai 16 te Ciasa de Palsa.

Sorvisc ai Jogn: le SaJ lascia alessei che al ven dé ia i ultimi posc te cöstes edemes da d'isté por jogn y jones dla scora mesana: edema de zircus dai 10. ai 15.7 a La Ila, curs da nodé dai 24. ai 28.7 a Raiscia, edema dla scionza dai 24. ai 28.7 a San Martin y edema dal skateboard dai 7.8 ai 11.8 a Badia. Iscriziuns y informaziuns te Sorvisc ai Jogn, ☎ 0474 523070 o sot ala plata internet www.proiec.org.

Baratada de ciöf ai 10 de ma ales 20:00 tal salf di Stödafüch a San Martin. La referenta Sabine Schrott baiará sora "Jungpflanzen, Gewinnung von Saatgut, Vermehrung und Erhaltung". Tolésse do ciöf, pelzes y somonzes ch'i n'adoreis nia plü, y gnide a se tó val' ch'i n'eis nia ciamó. Dales 19:30 él la poscibilité da dé jö le patüc te salf. Gnide trec, al é enteressant.

Döt le bun a:	Ludwig Willeit (aodanza soraodüda tla plata n. 21)	20.04.1937
	Florian Terza	03.05.1921
	Anna Taibon ved. Pedevilla	04.05.1932
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Crist rosserí nes dá coraje

☞ **St.Ap 2, 14.22-23 | 1 Pire 1, 17-21 | Jan 21, 1-19**

Dal Vangelo do San Jan:

[...] Spo éσαι piés ia y fora y é jüs tla barca. Mo en che net ne n'ái pié nia. ⁴Canch'al gnea belo de, ea Gejú sön spona. I discepu endere ne sâ nia ch'al ea Gejú. ⁵Gejú ti á dit: Mi mituns, ne n'eise nia da mangé? Ai ti á respognü: Na. ⁶Mo el ti á dit: Sciürede fora la rei dala pert derta dla barca, y i abinareis val'. Ai á sciüredé fora la rei y n'ea nia plü bogn de la trá endô ete, tan plena de pesc êra. ⁷Danló ti á le discepu, a chel che Gejú ti orea bun, dit a Pire: Al é le Signur! Canche Sciomun Pire â aldí, ch'al ea le Signur, s'ál ciolé ados le quant da sora ia, deach'al ea desnü y é salté te le. ⁸I atri discepu ea gnüs do con la barca tirenn do la rei con i pesc leite, deach'ai n'ea pö nia dalunc dala spona, ma encer duiciont brac. ⁹Canch'ai ea spo jüs sön tera frema, ái odü ia por tera n fû de boreis y lassora pesc y pan. ¹⁰Gejú ti á dit: Portédenen adalerch de chi pesc ch'i eis der pié. ¹¹Danló é jü Sciomun Pire y á trat la rei fora sön spona. Ara ea emplida de cionticincantetrei de gragn pesc, y sciömia ch'al n'ea tan trec, ne se scarzâ la rei nia. ¹²Gejú á dit: Gnide ca y mangede! [...] ¹³Gejú é gnü pormez, á tut le pan y ti l'á dé y ensciö ince le pesc. ¹⁴Cösc ea belo le terzo iade, che Gejú s'á manifesté ai discepu, do ch'al ea resserí dai morc.

I ponsun do

Valiade oresson la dé sö: i s'án proé, i án fat döt ci ch'ara jea da fá, mo i n'án empó arjunt nia – al pö por nia proé danö. Döt atramonter sona l'ordinn de Gejú: "Sciürede ciamó en iade fora les reis!" Cösc ô dí: ince sc'i eis belo proé döt, proéde ciamó en iade. Deache i sán dal amur y dal fistide de Chelbeldio ciafunse coraje da proé endô danö.

I periun

Beldio, to Fi rosserí s'acompagneia. Deidesse vire vigne de do cösta fede pascala. Por Crist, nosc Signur.

Wilhelm Egger "Sonntagsbibel"



☞ **Letöres dla Cuarta domegna de Pasca:**
St.Ap 2, 14a. 36-41 | 1 Pire 2, 20b-25 | Jan 10, 1-10

Edema liturgica dai 30.04. ai 07.05.2017

DOM 30.	Terza domegna de Pasca Domegna de San Ciascian y San Vigile	<i>Pio V., Hildegard, Rosamunde, Bernhard</i>
08:30 10:00	gran messa por dōta la ploania s.m. a Al Plan	<i>oferta por l'Università catolica de Milan</i>
Lön 01. ► 19:00	Ojöp laurant , Augustin, Arnold, Maximilian corona de ma con les mitans y i mituns dla Prōma Santa Comegnun	
Ded 02. 07:30	<i>Atanase, Sigismund</i> s.m. por les families de Hubert y Maria Feichter, Tescere s.m. d'aniversar por + Canzio Willeit, Blaje	
Dem 03. 18:00	 festa dai sanc apostui Filipo y Iaco , Alexander s.m. a Al Plan	
Jöb 04. 19:30	<i>Florian (patron da Curt), Guido, Valeria - de d'oraziun do vocaziuns</i> s.m. en onú de Sant'Ojep y S. Maria por la fam. Rovara, Plans s.m. d'aniversar por + Jep Ellecosta, Taibun/Ombolt	
Ven 05. ► 18:45 19:30	pröm vendres - Max, Angelo, Iuta, Sigrid signor ploan va a proveder poscibilitè da se pissié s.m. por + Anastasia Terza, André s.m. por + Mattia Astner, Ciasanea, funziun al Sacher Cör	
Sab 06. 07:30	<i>Markward, Antonia, Gundula</i> s.m. por +ti prei signor Matio Rigo y signor Raimund Mühlmann s.m. en onú de Santa Maria dal Bun Consei por na familia s.m. por + Giovanni Ploner, La Munt	
DOM 07. ► 08:00 ► 08:30 ► 14:00	Cuarta domegna de Pasca - de San Florian De mondial d'oraziun por les vocaziuns <i>Notker, Gisela</i> gran messa dla comunité prozesciun a Curt con benedisciun dal rü d'La Pli, 2 vangeli, s.m. ad onú de San Florian do int. dai Stödafüs d'La Pli y d'Al Plan ♪ <i>Musiga d'La Pli</i> prozesciun da Badia a Oies por perié do vocaziuns	
<i>ampola:</i>	por vis y +ti dla fam. de Thomas y Maria Rubatscher, Festl	
<i>ministronc:</i>	► da doman y domegna: Alessia Costabiei y Cecilia Ellecosta ► da sera y domegna: Chiara Willeit y Lisa Erardi	
<i>i recordun:</i>	Maria Trebo Wilhelm, <i>Paisc Todesc</i> Canzio Willeit Jep Ellecosta, <i>Taibun/Ombolt</i> Signor Franz Agreiter SDB, <i>Brasil</i>	+ 30.04.2015 + 01.05.2009 + 02.05.2011 + 03.05.2009

📖 Festa dai patronns diozejan
San Ciascian y San Vigile

Periun!

Dio sant, en la festa dai patronns de nosta diozeja, san Ciascian y san Vigile, te periunse:

ciara dla Dlijia Balsan-Porsenú unida encer so vesco y fá ch'ara sii n segn y n stromont de töa presenza tal monn.

Nodrescela con töa parora y con le pan dla vita, acompagneiela tres con töa proteziun, manten via te era l'integrité dla fede, l'amur de önn por l'ater y la derta religiosité. Do cösc te periunse por Gejù Crist nosc Signur. – Amen.



GEBETSMEINUNG
DES PAPSTES FÜR

Mai

Wir beten für

die Christen in Afrika –

Wir beten, dass Christen in Afrika, in Nachahmung des barmherzigen Jesus prophetisches Zeugnis für Versöhnung, Gerechtigkeit und Frieden geben können.

La pordica dla munt cuntada ai mituns (14)



Dla ciasa fata sön crep

Geju â fat na picia palsa. Al ti ciarâ ala trepa jont co l'ascutâ sô: ai éa imprescionés y metea averda. Val' de té ne ti â ciamó degügn dit. Y ciamó en iade â Geju baié: Aldide ci ch'i se diji. Presc jeise jö de cösta munt y jareis a ciasa. Sc'i fajeis döt ensciö deschi á dit sen, spo seise der sapionc. Tan sapionc co en el co â fat sôa ciasa sön en crep. Canch'al ea gnü na tempesta con trepa plöia n'é la ciasa nia tomada adöm, deache ara ea fata sön en crep sterch.

Mo sc'i se desmonceis mies parores y ne müdeis nia osta vita, enló seise desco en el co â fat sôa ciasa tal saurun. Canch'al é gnü na gran plöia y la tempesta sön sôa ciasa, ésera tomada adöm y l'ega l'á menada demez.



Enformaziuns dl'Unité Pastoral Val Badia

- **S'arjigné ca al Bato:** l'Uniuon dles Eres Catoliches dal decanat envieia duc i geniturs co á na creatōra da bacé, pers co aspeta, toc y totes, ala preparaziun dal Bato en **sabeda ai 6 de ma** (y nia ai 13) dales 15:00 ales 17:00, te self de calogna a **La Ila**. Prenotaziuns, ☎ 0471 849372.
- **Dé dles vocaziuns:** en domegna ai **7 de ma** vegnel tigní por dōta la Val Badia na **prozesciun por perié do vocaziuns**; an peia ia ales 14:00 dala dljia de Badia demez por jí sô Oies, olá che al sará na funziun. Düc é bel enviés!